

四庫全書

史部

欽定四庫全書

史部

欽定續文獻通考卷五十三

編修_臣 翟槐覆勘

總校官內閣中書_臣 孫溶

欽定四庫全書

欽定續文獻通考卷五十三

職官考

吏部

宋寧宗嘉定六年二月有司上嘉定編修吏部條法總

類

理宗淳祐時右丞相杜範請撥堂除闕歸吏部

互見官制門

臣等謹按杜範傳又云帝命宰執各條當今利病

與政事可行者範上十二事一曰專職任謂吏部不可兼給舍經筵亦必有專官未知當日果從其言與否以志未載亦補錄以備考

遼南樞密院視吏部

詳樞密院門

王圻曰南樞密院雖掌文銓視吏部而部族丁賦之政亦與焉蓋不專於吏部也

南面吏部官有尚書侍郎

所屬有郎中員外郎

金吏部掌文武選授勲封考課出給制誥之政官有尚書侍郎各一人

以才行勞效比仕者之賢否以行止文冊貼黃簿制闕之機要正七品以上以名上省聽制授從七品以下每至季月則循資格而擬注自八品以上則奏以下則否侍郎以下皆為尚書之貳

凡內外官之政績所歷之資考更代之期去就之故秩滿皆備陳於解由吏部據以定能否又撮解由之

要於銓擬時讀之謂之銓頭又會歷仕銓頭而書於

行止簿

行止簿者以姓為類而書各人平日所歷之資考功過者也

又為簿列百

司官名有所更代則以小黃綾書更代之期及所以

去就之故而制其銓擬之要領也

凡縣令則省除部除者通書而各疏

之

所屬郎中二人一掌文武選流外遷用官吏差使行

止名簿封爵制誥一掌勲級酬賞承襲用蔭循遷致

仕考課議諡之事員外郎分制曹務及參議事所掌

與郎中同主事四人掌知管差除校勘行止分掌封
勲資考之事惟選事則通署及掌受事付事檢勾稽
失省署文牘兼知本部宿直檢校架閣

餘部主事自
受事付事以

下所掌
並同

臣等謹按金史百官志海陵天德二年郎中員外

郎各增為四人後省熙宗皇統四年六部主事始
用漢人世宗大定三年用進士非特旨不得擬吏
人如宰執保奏人材不入常例章宗承安五年增

女直主事一人

又有架閣庫掌吏兵兩部架閣兼檢校吏部行止管

勾一人

以識女直契丹漢字人充如無擬識女直漢字人充

同管勾一人

大定二十

一年六月設仍以主事提控之

官誥院掌署院事有提舉二人

以吏部郎

中翰林修撰各一人充

臣等謹按金之六部國初與左右司通署熙宗天

眷三年始分治焉

元吏部掌天下官吏選授之政令有尚書三人侍郎二

人

凡職官銓綜之典吏員調補之格封勲爵邑之制考課殿最之法悉以任之

所屬有郎中員外郎各二人主事三人

世祖中統元年以吏戶禮為左三部尚書侍郎各二人郎中四人員外郎六人至元元年以吏禮自為一部尚書三人侍郎仍二人郎中仍四人員外郎三人三年復為左三部五年又合為吏禮部尚書仍二人

侍郎郎中員外郎各一人七年始列尚書六部吏部
尚書一人侍郎一人郎中員外郎各二人八年仍為
吏禮部尚書侍郎郎中各一人員外郎仍二人十三
年分置吏部尚書增至七人侍郎三人郎中二人員
外郎四人十九年尚書裁為二人侍郎郎中員外郎
各一人二十一年尚書三人侍郎一人郎中員外郎
如故二十三年定六部尚書侍郎郎中員外郎員額
各二人二十八年仍增尚書為三人主事三人

臣等謹按以上設官不特左三部與吏禮二部分合隨時并尚書侍郎郎中員外郎主事等官亦增減不一如前所列員數則尚書侍郎乃至元元年所定郎中員外郎則七年所定主事三人則二十八年所增也或疑吏禮併為一部止設尚書一人何以十三年分置吏部乃增至七人考帝紀是時平宋之後十二月定江南所設官府則一時增置多人既而裁為二人志固未嘗訛也

又按元史百官志有左三部照磨所一人掌吏戶禮三部錢穀計帳之事右三部亦有照磨一人不詳所掌

又按順帝時六部至元三年十二月已延太師等奏準吏部考功郎中員外郎主事各設一人至正元年四月吏部置司績一人掌百官行止以憑叙用廕襲六月中書奏準戶部事繁見設司計四人宜依前至元二十八年例添設二人十一月吏禮

兵刑分為二庫戶工分為二庫各設管勾二人十二年正月刑部添設尚書侍郎郎中員外郎各一人十五年十月濟寧分省置兵刑工戶四部今類叙於此

明吏部掌天下官吏選授封勲功課之政令蓋古冢宰之職視五部為特重尚書一人侍郎為之貳左右各一人

所屬文選驗封稽勲考功四清吏司以贊尚書各郎

中員外郎一人主事一人

太祖洪武三十一年增設文選司主事一人英宗正

統十一年增設考功司主事一人

又有司務二人

明初設主事司務各四人為首領官

有主事印洪武二十九年改主事為司官裁司務二人各部並同

文選司官吏班秩遷升改調之事凡選每歲有大選

有急選有遠方選有歲貢就教選間有揀選有舉人

乞恩選選人咸登資簿彙其流品平其銓注而序遷

之凡升必考滿若員缺當補不待考滿日推升類推

上一人單推上二人三品以上九卿及僉都御史祭

酒走推上二人或三人內閣吏兵二部尚書走推上
二人凡王官不外調王姻不內除大臣之族不得任
科道僚屬同族則以下避上外官才地不相宜則酌
其繁簡互換之有傳升乞升者並得執奏以署職試
職實授奠年資以開設裁併兼攝適繁簡以薦舉起
廢徵召振幽滯以帶俸添注寄恩冗以降調除名馭
罪過以官程督吏治以寧假悉人情

驗封掌封爵襲蔭褒贈吏算之事凡爵非社稷軍功

不得封封號非特旨不得與或世或不世皆給誥券
衍聖公及戚里恩澤封不給券凡券左右各一左藏
內府右給功臣之家襲封則徵其誥券稽其功過覈
其宗支以第其世流降除之等上官則勘其應襲與

否移文選司注擬

宣慰宣撫安撫長官諸司
領土兵者則皆隸兵部

凡廕叙

京官三品以上考滿著績始廕一子曰官生其出自
特恩者曰恩生凡封贈公侯伯之進封皆遞進一等
三品以上政績顯異及死諫死節陳亡者皆得贈官

其見任則初授散階京官滿一考及外官滿一考而
以最聞者皆給本身誥敕七品以上皆得推恩其先
五品以上授誥命六品以下授敕命曾祖祖父皆如
其子孫官公侯伯視一品外內命婦視夫若子之品
生曰封死曰贈若先有罪譴則停給文之散官四十
有二以歷考為差外命婦之號九因其子孫封者加
太字夫在則否凡封贈之次七品至六品一次五品
一次

初制有四品
一次後省

三品二品一品各一次三母不並

封兩封從優品父職高於子則進一階父應停給及子為人後者皆得移封嫡在不封生母生母未封不先封其妻妻之封止於一嫡一繼其封贈後而以墨敗者則追奪

稽勲掌勲級名籍喪養之事凡文勲十自五品以上歷再考乃授勲凡百官遷除降調皆開寫年甲鄉貫出身每歲十二月貼黃春秋清黃皆赴內府有故揭而去之凡父母年七十無兄弟得歸養凡三年喪解

職守制糾摘其奪喪匿喪短喪者惟欽天監官奔喪三月復任

考功掌官吏考課黜陟之事凡內外官給由三年初考六年再考並引請九年通考奏請綜其稱職平常不稱職而黜陟之陟無過二等降無過三等其甚者黜之罪之宗官六年一察察以己亥年五品以下考察其不職者降罰有差四品以上自陳去留取旨外官三年一察以辰戌丑未年前期移撫按官各綜其

屬三年內功過狀註考彙送覆核以定黜陟倉場庫
官一年考巡檢三年考教官九年考府州縣官之考
以地之繁簡為差吏之考三六年滿移驗封司撥用
九年滿又試授官惟王官及欽天御用等監官不考
凡內外官彈章稽其功過擬去留以請上裁薦舉保
留則核其政績旌異焉

司務掌催督稽緩勾銷簿書

明初設四部於中書省分掌錢穀禮儀刑名營造之

務洪武元年始置六部設尚書侍郎中員外郎主
事仍隸中書省六年部設尚書侍郎各二人吏部設
總部司勲考功三屬部部設郎中員外郎各一人主
事二人十三年罷中書省六部各設尚書侍郎一人
每部分四屬部吏部屬部加司封每屬部設郎中員
外郎主事各一人尋增侍郎一人二十二年改總部
為選部二十九年定為文選驗封稽勲考功四司并
五部屬皆稱清吏司建文中設左右侍中位侍郎上

除去諸司清吏字成祖初悉復舊制永樂元年以北

平為北京置北京行部尚書二人侍郎四人其屬置

六曹清吏司

吏戶禮兵工五曹郎中員外郎主事各一人刑曹郎中員外郎各一人主事四

人照磨檢校各一人司獄一人尋戶曹亦增設主事三人後又分置六部各稱行

在某部十八年定都北京罷行部及六曹以六部官

屬移之北不稱行在其留南京者加南京字仁宗洪

熙元年復置各部官屬於南京去南京字而以在北

京者加行在字仍置行部宣宗宣德三年復罷行部

英宗正統六年於北京去行在字於南京仍加南京
字遂為定制景帝景泰中吏部嘗設二尚書英宗天
順初復罷其一

臣等謹按明史職官志吏部尚書表率百僚進退
庶官銓衡重地其禮數殊異無與並者洪熙時大
學士楊士奇等加至三孤兼尚書銜然品叙列尚
書蹇義夏原吉下景泰中左都御史王文升吏部
尚書兼學士入閣其班位猶以原銜為序自孝宗

弘治六年二月內宴大學士邱濬始以太子太保
禮部尚書居太子太保吏部尚書王恕之上其後
由侍郎詹事入閣者班皆列六部上矣

南京吏部尚書右侍郎各一人

所屬文選考功驗封稽勲四清吏司各郎中主事一
人司務廳司務一人

凡南京官六年考察考功掌之不由北吏部

臣等謹按職官志南京六部侍郎至弘治後始專

設右神宗萬厯三年俱革十一年復設熹宗天啟
中每部增侍郎一人莊烈帝崇禎間革又驗封稽勲
二司主事後並革

戶部

宋高宗紹興中置提舉帳司總天下帳狀以戶部左曹
郎官兼之右曹歲具常平錢物總數每秋季具冊以聞
七年閻彥昭以太府寺丞兼右曹郎官二十七年徐
康正除左曹郎官又詔戶部事有可疑難裁決者許

長貳與衆郎官聚議文字皆令連書有定議然後付
本曹行遣

臣等謹按馬端臨通考所載終於孝宗淳熙時宋
史職官志既歷述之以上則補其所未載者也又
若官有度支分案五曰度支曰發運曰支供曰賞
賜曰知雜金部分案六曰左藏曰右藏曰錢帛曰
權易曰請給曰知雜倉部分案六曰會場曰上供
曰糶糶曰給納曰知雜曰開拆亦端臨所未備今

補錄之若寧宗慶元以後大約相承不改然不可
考矣

遼北南二大王院視戶部

臣等謹按遼史百官志北南大王兩院皆分掌部

族軍民之政各有大王

北院大王初名德呼勒部額爾奇木太祖分北南院

太祖會同元年改額爾奇木為大王

有知北院南院大王事北院南

院太師太保司徒司空及郎君又有都統軍司掌

從軍之政令

官有統軍使副統軍使統軍都監將軍

詳衮司掌部族

軍馬之政令

官有詳袞都監將軍小將軍

都部署司掌部族軍

民之事

官有都部署副部署

蓋其職不僅考稽錢穀而云視

戶部者所謂以國制治契丹概從簡朴也

南面戶部官有尚書侍郎

所屬有郎中員外郎

金戶部尚書一人侍郎二人

所屬郎中二人

海陵天德二年置五人章宗泰和中省作二人又作四人宣宗貞祐四年

置八人五年作六人

員外郎三人郎中而下皆以一人掌戶籍

物力婚姻繼嗣田宅財產鹽鐵酒麴香茶礬錫丹粉

坑冶權場市易等事一人掌度支國用俸祿恩賜錢

帛寶貨貢賦租稅府庫倉廩積貯權衡度量法式給

授職田拘收官物并照磨計帳等事

秦和時設二人後增一人貞祐

四年作六人又作八人五年作四人

主事五人女直司二人通掌戶度

金倉等事漢人司三人同員外郎分掌曹事

泰和八年減一

人貞祐四年作八人五年六人

兼提控編附條格管勾架閣等事

又架閣庫管勾一人掌戶禮兩部架閣

衛紹王大安三年以主事

各兼之同管勾檢法勾當官五人貞祐二年設幹辦官

十人三年置四人尋罷之四年更設為勾當官專提

控支納管勾勘覆經歷交鈔及香茶鹽引照磨文帳

等事

承安二年作四人貞祐四年作十五人五年作十人興定元年五年二年復作十人又有

權貨務以下皆屬尚書戶部者權貨務

在京諸稅係中運司見錢

皆權於本務收

掌發賣給隨路香茶鹽鈔引有使副使交

鈔庫使掌諸路交鈔及檢勘錢鈔換易收支之事副

使掌書押印合同判官又都監二人印造鈔引庫

大安二年
兼鈔紙坊

掌監視印造勘覆諸路交鈔鹽引兼提控

抄造鈔引紙有使副判

承安四年罷四小庫併罷庫判四人衛紹王至寧元年設

二

抄紙坊

大安二年以印造鈔引庫兼貞祐二年復置仍設小都監二人

有使副

使判

交鈔庫物料場

至寧元年置

場官掌收支交鈔物

料隨處交鈔庫鈔紙坊有使

貞祐二年設於上京西京北京東平大名益都

咸平真定河間平陽太原京兆平涼廣寧等府瑞蔚平清通順薊等州三年罷之

平準務

有使副又有勾當官六人

元光二年五月設十月罷

臣

等謹按百官志泰和八年嘗省戶部官員置三

司謂兼勸農鹽鐵度支戶部三科也貞祐罷之今
詳轉運使門

元戶部掌天下戶口錢糧田土之政令尚書三人侍郎
二人

凡貢賦出納之經金幣轉通之法府藏委積之實物
貨貴賤之直斂散准駁之宜悉以任之

所屬有郎中二人員外郎三人主事八人

世祖中統元年所署官員已見吏部至元元年分立

戶部尚書三人侍郎郎中各四人員外郎省為三人
三年復為左三部五年復分為戶部尚書一人侍郎
郎中各一人員外郎又省為二人七年始列尚書六
部尚書侍郎郎中各二人員外郎如故十三年尚書
增置一人餘如故十九年郎中員外郎俱增至四人
二十三年六部尚書侍郎郎中員外郎定以二人為
額二十四年以戶部所掌視他部特為繁劇增置二
人成宗大德五年省尚書一人員外郎亦省一人各

設三人又主事八人司計官四人

臣等謹按順帝至正時有增置司計官及戶部庫官濟寧分置戶部已見前吏部門

所轄都提舉萬億寶源庫掌寶鈔玉器 萬億廣源

庫掌香藥紙劄諸物 萬億綺源庫掌諸色段匹

萬億賦源庫掌絲綿布帛諸物俱有都提舉提舉同

提舉副提舉知事提控案牘各一人 又四庫照磨

兼架閣管勾一人

至元二十八年以四庫錢帛事繁始置

提舉富寧

庫分掌萬億寶源庫出納金銀之事提舉同提舉副

提舉各一人又吏目一人

至元二十七年始創

元史百官志曰萬億四庫國初以太府掌內帑之
出納既設左藏等庫而國計之領在戶部仍置萬
億等庫為收藏之府中統元年置庫官六人至元
十六年始為提舉萬億庫二十四年升都提舉二
十五年分立四庫以分掌出納至二十七年又別
立富寧庫焉

又有諸路寶鈔都提舉司達魯噶齊都提舉副達魯

噶齊提舉同提舉各一人副提舉二人知事照磨提

控案牘各一人

國初戶部兼領交鈔公事世祖至元初始設交鈔提舉司二十四年改今

名置官

寶鈔總庫達魯噶齊大使各一人副使三

如上

人

世祖至元二十五年改元寶庫為寶鈔庫其後定置如上

印造寶鈔庫達魯

噶齊一人大使副使各二人

中統四年始置大使至元二十四年增達魯噶

齊一人其後定置如上

燒鈔東西二庫達魯噶齊大使副使

各一人

至元元年始制紙鈔庫置監燒紙鈔官二十四年分立二庫定置如上

行用

六庫提領大使副使各一人

中統元年初定中都行用庫至元二十四年京

師改置三庫曰光熙曰文明曰順承二十六年又置三庫曰健德曰和義曰崇仁並因城門以為名

大都宣課提舉司掌諸色課程併領京城各市提舉

二人同提舉副提舉提控案牘各一人

至元十九年併大都舊城

兩稅務為大都稅課提舉司至武宗至大元年改宣課提舉司

其屬四

為馬市猪羊市牛驢市果

木市煤木所提領大使副使各一人魚鱗市大使一人副使二人

大都酒課提舉

司掌酒醋權酤之事提舉同提舉副提舉各一人提

控案牘二人

至元十九年始置二十八年前同提舉副提舉各一人餘如故

鈔紙

坊提領大使各一人副使二人

中統四年置止設大使副使各一人至元

二十七年增置提

領副使各一人

印造鹽茶等引局掌印造腹裏

行省鹽茶礬鐵等引大使副使各一人

至元二十四年置

臣

等謹按百官志戶部所屬有京畿都漕運使司

御河上下都漕運使司檀景等處採金鐵冶都提

舉司大都河間山東東路河東陝西等處三轉運

鹽使司各有所屬已詳轉運使司門畧見於此

明戶部掌天下戶口田賦之政令尚書一人侍郎貳之

左右各一人

稽版籍歲會賦役實徵之數以下所司十年攢黃冊
差其戶上下畸零之等以周知其登耗凡田土之侵
占投獻詭寄影射有禁人戶之隱漏逃亡朋充花分
有禁繼嗣婚姻不如令有禁皆綜覈而糾正之天子
耕藉則尚書進耒耜以墾荒業貧民以占籍附流民
以限田裁異端之民以圖帳抑兼并之民以樹藝課
農官以芻地給馬牧以名佃盡地利以銷豁清賠累

以撥給廣恩澤以給除差優復以鈔錠節賞賚以讀
法訓吏民以權量和市糴以時估平物價以積貯之
政恤民困以山澤陂池關市坑冶之政佐邦國贍軍
輸以支兌改兌之規利漕運以蠲減賑貸均糴捕蝗
之令憫災荒以輸轉屯種糴買名納之法實邊儲以
祿廩之制馭貴賤

所屬浙江江西湖廣陝西廣東山東福建河南山西
四川廣西貴州雲南十三清吏司各郎中一人

宣德以後

增設山西司三人陝西貴州雲
南三司各二人山東司一人
員外郎一人宣德七
年增設

四川雲南二司主事二人
宣德以後增設雲南司七
各一人後仍草人浙江江西湖廣陝西福

建河南山西七司各二人山
東四川貴州三司各一人
司務廳司務二人照磨

所照磨一人檢校一人

十三司各掌其分省之事兼領所分兩京直隸貢賦

及諸司衛所祿俸邊鎮糧餉并各倉場鹽課鈔關
浙江

司帶管在京羽林右留守左龍虎應天龍驤義勇右
康陵七衛神幾營江西司帶管在京旗手金吾前

金吾後金吾左濟陽五衛湖廣司帶管國子監教
坊司在京羽林前通州和陽豹韜永陵昭陵六衛及

興都留守司 福建司 帶管順天府在京燕山左武
驤右武驤右驍騎右虎賁右留守後武成中茂陵八
衛五軍巡捕勇士四衛各營及北直隸永平保定河
間真定順德廣平大名七府延慶保安二州大寧都
司萬全都司并北直隸所轄各衛所山口永盈通濟
各倉 山東司帶管在京錦衣大寧中大寧前三衛
及遼東都司兩淮兩浙長蘆河東山東福建各鹽運
司四川廣東海北雲南黑鹽井白鹽井安寧五井各
鹽課提舉司陝西靈州鹽課司江司南贛鹽稅山
西司帶管在京燕山前鎮南興武永清左永清右五
衛及宣府大同山西各鎮 河南司帶管在京府軍
前燕山右大興左裕陵四衛牧馬千戶所及北直隸
潼關衛蒲州千戶所 陝西司帶管宗人府五軍都
督府六部都察院通政司大理寺詹事府翰林院太
僕寺鴻臚寺尚寶司六科中書舍人行人司欽天監
太醫院五城兵馬司京衛武學文思院皮作局在京

留守右長陵獻陵景陵四衛神樞隨侍二營及延綏
寧夏甘肅固原各鎮四川司帶管在京府軍後金
吾右勝驤左勝驤右武德神策忠義後武功中武功
左武功右彭城十一衛及應天府南京四十九衛南
直隸安慶蘇州松江常州鎮江徽州寧國池州太平
廬州鳳陽淮安揚州十三府徐滁和廣德四州中都
留守司并南直隸所轄各衛所廣東司帶管在京
羽林左留守中鷹揚神武左義勇前義勇後六衛蕃
牧奠靖二千戶所廣西司帶管太常寺光祿寺神
樂觀犧牲所司牲司太倉銀庫內府十庫在京瀋陽
左瀋陽右留守前寬河蔚州左五衛及二十三馬房
倉各象房牛房倉京府各草場雲南司帶管在京
府軍府軍左府軍右虎賁左忠義右忠義前泰陵七
衛及大軍倉皇城四門倉并在外臨清德州徐州淮
安天津各倉貴州司帶管上林苑監寶鈔提舉司
都稅司正陽門張家灣各宣課司德勝門安定門各

稅課司崇文門分司在京濟州會州富峪三衛及薊州永平密雲昌平易州各鎮臨清潞豐九江淮安北新揚州河西條為四科曰民科主所屬省府州縣地務各鈔關

理人物圖志古今沿革山川險易土地肥瘠寬狹戶口物產多寡登耗之數曰度支主會計夏稅秋糧存留起運及賞賚祿秩之經費曰金科主市舶魚鹽茶鈔稅課及贓罰之收折曰倉科主漕運軍儲出納料糧凡差三等由吏部選授曰註差疏名上請曰題差劄委曰部差或三年或一年或三月而代照磨檢校

稽文書出入之數而程督之

初洪武元年置戶部六年設尚書二人侍郎二人分
為五科曰一科二科三科四科總科每科設郎中員
外郎各一人主事四人惟總科郎中員外郎各二人
主事五人八年中書省奏戶刑工三部事繁戶部五
科每科設尚書侍郎各一人郎中員外郎各二人主
事五人內會總科主事六人外牽照科主事二人司
計四人照磨二人分四屬部曰總部度支部金部倉

部每部郎中員外郎各一人總部主事四人度支部

金部各三人倉部主事二人尋罷在京行用庫二十

二年改總部為民部二十三年又分四部為河南北

平山東山西陝西浙江江西湖廣廣東廣西四川福

建十二部

四川部兼領雲南

部設郎中員外郎各一人主事

二人各領一布政司戶口錢糧等事量其繁簡帶管

京畿每一部內仍分四科管理又置照磨檢校各一

人二十九年改十二部為十二清吏司建文中仍為

四司餘見吏部成祖復舊制永樂元年改北平為北京司

十八年革北京司設雲南貴州交趾三清吏司宣德

十年革交趾司定為十三司其後歸併職掌凡宗室

勲戚文武官吏之廩祿陝西司兼領之北直隸府州

衛所福建司兼領之南直隸府州衛所四川司兼領

之天下鹽課山東司兼領之關稅貴州司兼領之運

漕及臨德諸倉雲南司兼領之御馬象房諸倉廣西

司兼領之

所轄寶鈔提舉司提舉副提舉典史各一人

洪武七年初置

提舉副提舉吏目各一人所屬鈔紙印鈔二局寶鈔行用二庫十三年罷十九年復置如上後副提舉典

史俱

抄紙局大使副使各一人

後草副使

印鈔局大

使副使各一人

後俱

寶鈔廣惠庫大使一人副使

二人

世宗嘉靖中草

廣積庫大使副使典史各一人

嘉靖中副

使典史

贓罰庫大使一人副使二人

嘉靖中草副使

甲

字乙字丙字丁字戊字庫大使五人副使六人

丙丁字庫

二人嘉靖中草一人并草乙字戊字二庫副使

廣盈庫大使一人副使二

人嘉靖中
革副使

外承運庫大使副使各二人後俱
革承

運庫大使副使各一人嘉靖中
革副使行用庫大使副使

各一人後俱
革太倉銀庫大使副使各一人嘉靖中
革副使

御馬倉大使副使各一人 軍儲倉大使副使各

一人後俱
革長安東安西安北安門倉各副使一人

東安門倉舊二人
萬曆八年革一人張家灣鹽倉檢校批驗所大使

副使各一人穆宗隆慶
六年並革

總督倉場一人掌督在京及通州等處倉場糧儲

洪武初置軍儲倉二十所各設官司其事永樂中遷都北京置京倉及通州諸倉以戶部司員經理之宣德五年始命李昶為戶部尚書專督其事遂為定制以後或尚書或侍郎俱不治部事嘉靖十五年又命兼督西苑農事隆慶初罷兼理萬厯二年另撥戶部主事一人陪庫每日偕管庫主事收放銀兩季終更替九年裁革命本部侍郎分理之十一年復設二十五年以右侍郎張養蒙督遼餉四十七年增設督餉

侍郎

崇禎間有督遼餉寇餉
宣大餉增設三四人

天啟五年又增設督理

錢法侍郎

南京戶部尚書一人右侍郎一人

所屬十三司郎中十三人員外郎九人

浙江西湖
廣廣東廣西

福建山西陝西雲南九司各一人嘉靖二十七年草

山西陝西二司各一人隆慶中又革廣西雲南二司

各一人

主事十七人山東廣東廣西雲南各二人司務

一人照磨一人

所轄寶鈔提舉司提舉一人廣積承運贓罰三庫

甲乙丙丁戊五字庫寶鈔廣惠庫軍儲倉各大使一人
長安東安西安北安四門倉各副使一人 龍
江鹽倉檢校批驗所各大使一人
隆慶三年葺寶鈔司提舉軍儲倉大使

總督糧儲一人

嘉靖以前特設都御史二十六年葺以戶部右侍郎加都御史銜領之

臣等謹按職官志有判錄司掌在京官吏俸給文
移勘合有判錄一人副判二人洪武十三年置尋
改判錄為司正副判為左右司副十八年罷雖不

隸於戶部而所掌則分戶部之職乍設旋罷附載於此

禮部

宋禮部官有尚書掌禮樂祭祀朝會宴享學校貢舉之政令侍郎為之貳郎中員外郎參領之

凡講議制度損益儀物則審覆有司所定之式以次諮決而質於尚書省大祭祀則省牲鼎鑊視滌濯薦腥則奉籩豆簠簋及飲福徹之裸則奉瓚臨鬯侍郎

奏中嚴外辦同省牲及視饌腥熟之節裸受瓚奉槃
歲祀昊天上帝祭皇地祇與尚書迭為亞獻祭太社
太稷神州地祇則迭為初獻祀九宮貴神五帝感生
帝朝日夕月蜡祭東西方亦如之大朝會則尚書奏
藩國貢物凡慶賀若謝則郎中員外郎分撰表文祠
事與太常少官祠部官迭為終獻或亞獻親郊自景
靈宮朝獻太廟朝享至望燎禮畢乘輿還內皆奏解
嚴祠部月奏祠祭國忌休暇之日每歲大祀忌日大

忌前一日皆不坐元日冬至寒食假各七日天慶先
天降聖節各五日誕聖節正七月望夏至臘各三日
天祺天貺節人日中和二社上巳端午三伏七夕授
衣重九四立春秋分及每旬假各一日主客凡四夷
至則圖其衣冠書其山川風俗有封爵禮命則承詔
頒付掌嵩慶懿陵祭享崇義公承襲之事膳部凡所
用物前期計度以關度支若祭祀朝會宴享則同光
祿寺官視其善否酒成則嘗而後進焉

餘詳馬
端臨考

遼多囉倫穆騰視禮部

多囉倫穆騰司掌禮儀官有多囉倫穆騰總知朝廷
禮儀事

南面禮部官有尚書侍郎

所屬有郎中員外郎

金禮部掌凡禮樂祭祀燕享學校貢舉儀式制度符印
表疏圖書冊命祥瑞天文漏刻國忌廟諱醫卜釋道四
方使客諸國進貢犒勞張設之事尚書侍郎各一人

所屬郎中員外郎各一人主事二人

又有惠民司掌修合發賣湯藥

詳太醫院門

又有左三部檢法司司正二人掌披詳法狀檢法二十二人掌檢斷各司取法文字

元禮部掌天下禮樂祭祀朝會燕享貢舉之政令尚書三人侍郎二人

凡儀制損益之文符印簡冊之信神人封謚之法忠孝貞義之褒送迎聘好之節文學僧道之事婚姻繼

續之辦音藝膳供之物悉以任之

所屬有郎中員外郎領會同館事主事各二人

中統元年以吏戶禮左三部

是年設官及至元元年三年五年或分或併已

詳吏部

至元七年別立禮部尚書三人侍郎一人郎中

二人員外郎如舊明年又合為吏禮部十三年又別為
禮部二十三年尚書等官定以二人為額成宗元貞
元年復增尚書一人領會同館主事二人

又有侍儀司掌凡朝會即位冊后建儲奉上尊號及

外國朝覲之禮有左右侍儀奉御二人禮部侍郎知侍儀事引進使知侍儀事各一人左右侍儀使左右直侍儀使左右侍儀副使左右侍儀僉事各二人引進副使侍儀令承奉班都知尚衣局大使各一人至元

八年置十二年省左右侍儀奉御通曰左右侍儀省引進副使及侍儀令尚衣使等官改置通事舍人十四人三十年減通事舍人七人為侍儀舍人武宗至大二年置典簿一人仁宗延祐七年定置侍儀使四人英宗至治元年增置通事舍人六人侍儀舍人四人後定置侍儀使四人引進使知侍儀事二人首領官典簿一人屬官承奉班都知一人其屬法物庫掌通事舍人十六人侍儀舍人十四人大禮法物

有提點大使副使
各一人直長二人

拱衛直都指揮使司掌控鶴六百餘戶及儀衛之事

指揮使副使鈐轄提控案牘各一人

至元三年置十六年增置達魯

噶齊一人隸宣徽院二十五年歸隸禮部仁宗皇慶元年置經歷一人二年改鈐轄為僉事文宗至順二年撥隸侍正府定置達魯噶齊一人都指揮四人其副指揮使僉事各二人首領官經歷知事各一人其屬控鶴百戶所色目百戶漢人百戶各一十三人總十三所又儀從庫掌收儀衛器仗大使副使各一人

儀鳳司掌樂工供奉祭享之事有大使五人副使四

人經歷知事各一人

至元八年立玉宸院置樂長樂副樂判官各一人二十年改置

儀鳳司隸宣徽院置大使副使各一人判官三人二十五年歸隸禮部省判官三十一人置達魯噶齊副使各一人

大德十一年改玉宸樂院置院使副使僉事同僉院判至大四年復為儀鳳司延祐七年定置

大使五人副使四人

其屬五

雲和署掌樂工調音律及部籍更番之事

署令署丞管勾各一人協音協律各一人至元十二年置至大二年撥隸玉宸樂院皇慶元年定置官如

上安和署職掌員數俱與雲和同常和署初名管勾司管領回回樂人署令一人署丞管勾各二人

皇慶元年始置天樂署初名昭和署管領河西樂人設官員數與雲和同至元十七年置至大四年改

為天樂署廣樂庫掌樂器等物大使副使各一人皇慶元年置

教坊司掌承應樂人及管領興和等署五百戶有達

嚕噶齊一大使三人副使四人知事一人

中統二年始置

至元十七年改提點教坊司隸宣徽院其屬三

興和署署

二十五 years 隸禮部延祐七年定官如上

今署丞管勾各二人

祥和署設官同

興和署

廣樂庫大使副使各一人

會同館掌接伴引見諸番蠻夷峒官之來朝貢者有

尚書領館事一大使副使各二人提控案牘一人

至元十三年置二十五年罷二十九年復置其屬

收支

元貞元年以禮部尚書領館事遂為定制

諸物庫有大使副使各一人至

元二十九年以四寶庫改置

鑄印局掌凡刻印銷印之事有大使副使直長各一

人

至元五年置

白紙坊掌造詔旨宣勅紙劄有大使副

使各一人

至元九年置

掌薪司司令一人司丞五人

明禮部掌天下禮儀祭祀宴饗貢舉之政令尚書一人

侍郎佐之左右各一人

所屬儀制祠祭主客精膳四清吏司各郎中員外郎

一人主事一人

正統六年增設儀制祠祭主事各一人又增設儀制司主事一人教習駙

馬弘治五年增設主客司一人提督會同館

司務廳司務二人

儀制分掌諸禮文宗封貢舉學校之事天子即位天子冠大婚冊立皇太子妃嬪太子妃上慈宮徽號朝賀相見大享宴享大射宴射則舉諸儀注條上之若經筵日講耕耜視學策士傳臚巡狩親征進歷進春獻俘奏捷若皇太子出閣監國親王讀書之藩皇子女誕生命名以及百官命婦朝賀皇太子后妃之禮與諸王國之禮皆頒儀式於諸司凡傳制誥開讀詔勅表箋及上下百官往來移文皆授以程式焉凡歲

請封宗室王郡王將軍中尉妃主君各以其親疎為等百官於宗王具官稱名而不臣王臣稱臣於其王凡宗室駙馬都尉內命婦藩王之誥命則會吏部以請凡諸司之印信領其制度刊敕則換給之凡祥瑞辨其名物以學校之政育士類以貢舉之法羅賢才以鄉飲酒禮教齒讓以養老尊高年以制度定等威以恤貧廣仁政以旌表示勸勵以建言會議悉利病以禁自宮遏奸民

祠祭分掌諸祀典及天文國恤廟諱之事凡祭有三
曰天神地祇人鬼辨其大祀中祀小祀而敬供之飭
其壇壝祠廟陵寢而數省閭之蠲其牢醴玉帛粢羹
水陸瘞燎之品第其品侑從食功德之上下而秩舉
之天下神祇在祀典者則稽諸令甲播之有司以時
謹其祀事督日官頒歷象於天下日月交食移内外
諸司救護有災異即奏聞并或乞祭告修省凡喪葬
祭祀貴賤有等皆定其程則而頒行之凡謚帝

字十七

后

十三字

妃太子太子妃

並二字

親王

一字

郡王

二字

以字為

差勲戚文武大臣請葬祭贈謚必移所司覈行能傳
公論定議以聞其侍從勤勞忠諫死者官品未應謚
皆得特賜凡帝后愍忌祀於陵輟朝不廢務凡天文
地理醫藥卜筮師巫音樂僧道人並籍領之有興造
妖妄者罪無赦

主客分掌諸番朝貢接待給賜之事諸番朝貢辨其
貢道貢使貢物遠近多寡豐約之數以定王若使迎

送宴勞廬帳食料之等賞賚之差凡貢必省閱之然後登於內府有附載物貨則給直若番國請嗣封則遣頒冊於其國使還上其風土方物之宜贈遺禮文之節諸番有保塞功則援勅印封之各國使人往來有誥勅則驗誥勅有勘籍則驗勘籍毋令闌入土官朝貢亦驗勘籍其返則以鏤金勅諭行之必與銅符相比凡審言語譯文字送迎館伴考稽四夷館譯字生通事之能否而禁止其交通漏泄凡朝廷賜賚之

典各省土物之貢咸掌之

精膳分掌宴饗牲豆酒膳之事凡御賜百官禮食曰

宴曰酒飯為上中下三等視其品秩蕃使土官有宴

有下程

宴有一次有二次
程有常例有欽賜

皆辨其等親王之藩王

公將軍來朝及其使人亦如之凡膳羞酒醴品料光

祿是供會其數而程其出納焉凡厨役僉諸民以給

使於太常光祿年深者得選充王府典膳凡歲藏冰

出冰移所司謹潔之

初洪武元年置禮部六年設尚書二人侍郎二人分
四屬部總部祠部膳部主客部每部設郎中員外郎
各一人主事各三人十三年設尚書侍郎各一人每
屬部設郎中員外郎主事各一人尋復增置侍郎一
人二十二年改總部為儀部二十九年定置如前
所轄鑄印局大使一人副使二人

萬曆九年革一人

僧道錄

司詳僧道官名

教坊司奉鑾一人左右韶舞各一人左右

司樂各一人掌樂舞承應以樂戶充之

職官志曰周宗伯之職雖掌邦禮而司徒既掌邦教所謂禮者僅鬼神祀祠而已至合典樂典教內而宗藩外而諸番上而天官下逮醫師膳夫伶人之屬靡不兼綜則自明始也成弘以後率以翰林儒臣為之其由此陟公孤任輔導者蓋冠於諸部焉

南京禮部尚書一人右侍郎一人

所屬儀制祠祭主客精膳四司各郎中一人儀制祠

祭二司各主事一人司務一人

所轄鑄印局副使一人教坊司右韶舞一人左右司
樂各一人

兵部

宋兵部官有尚書掌兵衛武選車輦甲械廢牧之政令
侍郎為之貳郎中員外參掌之

凡大禮尚書充鹵簿司大祀奉魚牲及俎視朝則侍
郎執班簿對立小祀則郎中員外郎薦俎并徹職方

凡土地所產風俗所尚具古今興廢之因州為之籍
遇閏歲造圖以進四夷歸附則分隸諸州度田屋錢
糧之數以給之駕部凡大禮戒有司具五輅凡奉使
之官赴闕視其職治給馬如格官文書則量其遲速
以付步馬急遞總內外監牧籍其租入多寡孳產登
耗凡市馬於四夷者溢歲額則賞之駕部國之武庫
隸焉若御大慶文德殿應用鹵簿名數前期以戒有
司祭祀喪葬則給以等差總衛尉寺金吾仗司兵匠

之數考其功罪歲月而以法升降之

餘詳馬
端臨考

遼北樞密視兵部

南面兵部官有尚書侍郎

所屬有郎中員外郎

金兵部掌兵籍軍器城隍鎮戍廩牧鋪驛車輅儀仗郡
邑圖志險阻障塞遠方歸化之事尚書侍郎各一人

所屬郎中一人員外郎主事各二人

又有四方館掌提控諸路驛舍驛馬并陳設器皿等

事使副使各一人

法物庫

元兼管大樂海陵貞掌
元二年改付太常寺

鹵簿儀仗車輅法服等事使副使直長各一人 承

發司掌受發省部及外路文字管勾同管勾各一人

元兵部掌天下郡邑郵驛屯牧之政令尚書三人侍郎
二人

凡城池廢置之故山川險易之圖兵站屯田之籍遠
方歸化之人官司芻牧之地駝馬牛羊鷹隼羽毛皮
革之徵驛乘郵運祇應公廨皂隸之制悉以任之

所屬郎中員外郎主事各二人

中統元年以兵刑工為右三部置尚書侍郎各二人
郎中員外郎各五人總領三部之事至元元年別置
工部以兵刑自為一部尚書四人侍郎三人郎中如
舊員外郎五人三年併為右三部五年復為兵刑部
尚書二人省侍郎二人郎中如故員外郎一人七年
始列六部尚書一人侍郎如舊郎中員外郎各一人
八年又合為兵刑部十三年復析為兵部二十三年

定尚書侍郎郎中員外郎以二人為額至治三年增尚書一人主事二人

臣等謹按百官志載以兵刑工為右三部既云郎中五人員外郎五人而以兵刑為一部下乃云郎中如舊員外郎五人郎中舊設亦五人安得獨異其詞以別於員外郎乎且刑部內載郎中四人則員外郎如舊郎中反不如舊矣又以兵刑為一部下載侍郎三人而刑部內則云侍郎仍二人當時

紀載草率致多舛謬姑仍之

其屬有管領隨路打捕鷹房民匠總管府達嚕噶齊

總管各一人副總管二人經歷知事提控案牘各一

人初太祖以隨路打捕鷹房民戶七千餘戶撥隸實刺大王位下中統二年始置至元十二年阿布哈

大王遣使奏歸朝廷隸兵部

管領本投下大都路打捕鷹房諸

色人匠都總管府掌哈資大王位下事達嚕噶齊二

人總管同知副總管知事提控案牘各一人

大德八年始置

官吏皆王選用至大四年省併衙門以哈喇班第大王達鎮一隅別無官屬存設不廢定置府官其屬東

局織染提舉司有達嚕噶齊提舉副
達嚕噶齊副提舉提控案牘各一人

隨路諸色民

匠打捕鷹房等戶都總管府達嚕噶齊總管同知經
歷知事提控案牘兼照磨各一人掌拜哲伯營盤事
及管領大都路打捕鷹房等戶

至元三十一年置

管領本位

下打捕鷹房民匠等戶都總管府掌拜哲伯營盤城
池阿哈特穆爾一應差發色徹肯定王位下事達嚕
噶齊總管副達嚕噶齊同知副總管判官經歷知事
提控案牘兼照磨各一人又有大都陸運提舉司

詳轉運
使門

明兵部掌天下武衛官軍選授簡練之政令尚書一人
侍郎佐之左右各一人

所屬武選職方車駕武庫四清吏司各郎中一人

正統

十年增設武選二司郎中各一人成化三年增設車駕司郎中一人萬歷九年並革員外郎一

人正統十年增設武選司員外郎一人弘治九年增設武庫司員外郎一人後俱革嘉靖十二年增設

職方司員主事二人洪武宣德間設武選司主事三
外郎一人人職方司主事四人正統十四

年增設車駕武庫二司主事各一人後革
萬歷十一年又增設車駕司主事一人司務廳司

務二人

武選掌衛所土官選授升調襲替功掌之事凡武官

六品其勲十有二散階三十歲凡六選有世官有流

官世官九等

指揮使指揮同知指揮僉事衛鎮撫
正千戶副千戶百戶試百戶所鎮撫皆

有襲職有替職其幼也有優給其不得世也有減革

有通革流官八等

左右都督都督同知都督僉事都
指揮使都指揮同知都指揮僉事

正留守
副留守

以世官升授或由武舉用之皆不得世即有

世者出特恩非真授者曰署職

署職遞加本職一級
作半職不支俸非軍

功母得實授

曰試職

試職作一級支半俸不給誥

曰納職

納職帶俸不蒞事

戰

功二等

奇功為上頭功次之

首功四等

迤北為大遼東次之西番苗蠻又次之內地寇

賊又次之

凡此試有舊官有新官

洪武二十一年以前為舊成祖以後為新軍

政五年一考選先期撫按官上功過狀覆核而去留

之五府錦衣衛堂上各總兵官皆自陳取上裁推舉

上二人都指揮以下上一人凡土司之官九級

自從三品

至從七品皆無歲祿

其子弟屬族妻女若壻及甥之襲替胥從

其俗附塞之官自都督至鎮撫凡十四等皆以誥勅

辨其偽冒贈官死於王事加二等死於戰陳加三等
凡除授出自中旨者必覆奏然後行之以貼黃徵圖
狀以功績徵誥勅以効力課將領以比試練卒徒以
優養恩故絕以褒恤勵死戰以寄祿馭恩倖以殺降
失陷避敵激叛之法肅軍機以典刑敗倫行却退陣
之科斷世祿

職方掌輿圖軍制城隍鎮戍簡練征討之事凡天下
地里險易遠近邊腹疆界俱有圖本三歲一報與官

軍車騎之數偕上凡軍制內外相維武官不得輒下符徵發自都督府都指揮司留守司內外衛守禦屯田羣牧千戶所儀衛司土司諸番都司衛所各統其官軍及其部落以聽征調守衛朝貢保塞之令以時修浚其城地而閱視之凡鎮戍將校五等曰鎮守協守分守守備備倭皆因事增置視地險要設兵屯戍之凡京營搢練統以文武大臣皆科道巡視之若將軍四衛及勇士幼官舍人等營練則計其軍實稽其

什伍察其存逸閒否以教其坐作進退疾徐疏數之
節金鼓麾旗之號征討請命將出師懸賞罰調兵食
紀功過以黜陟之以保塞障邊徼以烽火傳聲息以
關津詰姦細以緝捕弭盜賊以快壯簡鄉民以勾解
收充抽選併豁疏放存恤之法整軍伍

車駕掌鹵簿儀仗禁衛驛傳廐牧之事凡鹵簿大駕
大典禮太朝會設之丹陛駕常朝設之武陳駕世宗
南巡時設之皆辨其物數以授所司慈宮中宮之鹵

簿東宮宗藩之儀仗亦如之凡侍衛御殿全直掌朝
番直守衛親軍衛畫前後左右四門為四行而日夜
巡警之凡郵傳在京師曰會同館在外曰驛曰遞運
所皆以符驗關券行之凡馬政其專理者太僕苑馬
二寺稽其簿籍以時程其登耗惟內廄不會

武庫掌戎器符勘尺籍武學薪隸之事凡內外官軍
有征行移工部給器仗籍紀其數制敕下各邊徵發
及使人出關必驗勘合軍伍缺下諸省府州縣勾之

以跟捕紀錄開戶給除停勾之法覈其名募塚集罪
謫改調營丁尺籍之數凡武職幼官及子弟未嗣官
者於武學習業以主事一人監督之考稽學官之賢
否肄業之勤怠以聞

初洪武元年置兵部六年增尚書侍郎各一人置總
部駕部併職方三部設郎中員外郎主事如吏部之
數十三年增置庫部為四屬部部設郎中員外郎主
事各一人十五年增設侍郎一人二十二年改總部

為司馬部二十九年定改四部為武選職方車駕武庫四清吏司

惟職方仍舊名

景泰中增設尚書一人協理部

事天順初罷隆慶四年添置侍郎二人尋罷萬厯末年復置

所轄有會同館大使一人副使二人大通關大使副使各一人

協理京營戎政一人掌京營操練之事或尚書或侍郎或右都御史為之

永樂初設三大營總於武將景泰元年始設提督團
營命兵部尚書于謙兼領之後罷成化三年復設率
以本部尚書或都御史兼之嘉靖二十年始命尚書
劉天和輟部務另給關防專理戎政二十九年以總
督京營戎政之印畀仇鸞而改設本部侍郎協理戎
政不給關防萬歷九年裁革十一年復設天啟初增
設協理一人尋革崇禎二年復增一人以庶吉士劉
之綸為兵部侍郎充之

南京兵部尚書參贊機務一人右侍郎一人

所屬武選職方車駕武庫四司郎中四人員外郎二

人

武選武庫
無員外郎

主事五人

車駕主
事二人

司務一人

所轄典牧所提領一人會同館大勝關各大使一人

明史職官志曰參贊機務自宣德八年黃福始成

化二十三年始奉敕諭專以本部尚書參贊機務

同內外守備官操練軍馬撫卹人民禁戢盜賊振

舉庶務故其職視五部為特重云

刑部

宋刑部官有尚書掌天下刑獄之政令侍郎為之貳郎中員外郎分掌其事

凡聽訟獄或輕重失中有能駁正詔其賞罰若頒赦宥則糾官吏之稽違者大祀則尚書涖誓薦熟則奉牲大禮肆赦則侍郎授赦書付有司宣讀承旨釋囚

分案十三曰制勅

掌凡根勅諸路公事

曰體量

掌凡體量之事

曰定奪

掌訴雪除落過名

曰舉叙

掌命官叙優

曰糾察

掌審問大辟

曰檢法

掌供

檢條

曰頒降

掌頒條
法降赦

曰追毀

掌斷罪追
毀宣赦

曰會問

掌批
會過

犯

曰詳覆

掌諸路大
辟帳狀

曰捕盜曰帳籍

掌行在庫務
理欠帳籍

曰

進擬

掌進斷案
刑名文書

都官分案五曰差次曰磨勘曰吏籍

曰配隸曰知雜各因其名而治其事比部掌勾覆中

外帳籍司門掌諸門啟閉之節及闕梁餘禁以時舉

行

餘詳馬
端臨考

遼額爾奇木視刑部

額爾奇木院掌刑獄官有額爾奇木左右額爾奇木

知左右額爾奇木事又有敝史選底掌獄

南面刑部官有尚書侍郎

所屬有郎中員外郎

金刑部尚書侍郎各一人

所屬郎中一人員外郎二人一掌律令格式審定刑

名關津譏察赦詔勘鞠追徵給沒等事一掌監戶官

戶配隸訴良賤城門啟閉官吏改正功賞捕亡等事

主事二人

所轄有架閣庫掌刑工兩部架閣

大安二年以主事各兼

有管

勾同管勾各一人

所屬萬寧宮提舉司

舊大寧宮更名壽安宮又更今名

掌守護宮城

殿位官有提舉同提舉慶寧宮提舉司提舉兼龍門

縣令同提舉兼儀鸞監

元刑部掌天下刑名法律之政令尚書三人侍郎二人

凡大辟之案覆繫囚之詳讞孥收產沒之籍捕獲功

賞之式寃訟疑罪之辨獄具之制度律令之擬議悉

以任之

所屬郎中員外郎各二人首領官主事三人

中統元年以兵刑工為右三部置尚書侍郎各二人
郎中員外郎各五人以郎中員外郎各一人專署刑
部至元元年析置工部而兵刑仍為一部侍郎仍二
人郎中四人員外郎置五人三年復為右三部七年
始別置刑部尚書侍郎郎中各一人員外郎二人八
年改為兵刑部十三年又為刑部二十三年六部尚

書等官定以二人為額大德四年增尚書一人其屬

有司獄司司獄獄丞各一人

初以右三部照磨兼刑部繫獄之任大德七年

始置專官部醫一人掌調視病因

司籍所提領同提領各一人

元至

二十年改大部等路斷沒提領所為司籍所隸刑部

明刑部掌天下刑名及徒隸勾覆關禁之政令尚書一人侍郎佐之左右各一人

所屬浙江江西湖廣陝西廣東山東福建河南山西四川廣西貴州雲南十三清吏司各郎中員外郎一

人主事二人

正統六年十三司俱增設主事一人成化元年增設四川廣西二司主事各一

人後革萬厯中又革湖廣陝西山東福建四司主事各一人

司務廳司務二人照

磨所照磨檢校各一人司獄司司獄六人

十三司各掌其分省及兼領所分京府直隸之刑名

浙江司帶管崇府中軍都督府刑科內官御用司設
等監在京金吾前騰驤左藩陽右留守中神策和陽
武功右廣洋八衛蕃牧千戶所及兩浙鹽運司直隸
和州涿鹿左涿鹿中二衛江西司帶管淮益弋陽
建安樂安五府前軍都督府御馬監火藥酒醋麵筋
等局在京府軍前燕山左留守前龍驤寬河忠義前
忠義後永清右龍江左龍江右十衛及直隸廬州府
廬州六安九江武清宣府前龍門各衛湖廣司帶

管楚岷吉榮遼五府右軍都督府司禮尚寶尚膳神
宮等監天財庫在京留守右虎賁右忠義右武功在
茂陵永陵江淮濟川水軍右九衛及興都留守司直
隸寧國池州二府宣州神武中定州茂山保安右各
衛勅海千戶所福建司帶管戶部太僕寺戶科寶
鈔提舉司印綬都知等監甲字等十庫在京金吾後
應天會州武成中武功中孝陵獻陵景陵裕陵泰陵
十衛牧馬千戶所及福建鹽運司直隸常州府廣德
州中都留守左留守中定邊開平中屯各衛美峪千
戶所山東司帶管魯德衛涇四府左軍都督府宗
人府兵部尚寶司兵科典牧所會同館供用庫戈戟
司司苑局在京羽林右番陽左長陵三衛奠靖千戶
所及山東鹽運司中都留守司遼東都司遼東行太
僕寺直隸鳳陽府滁州鳳陽皇陵長淮泗州壽州滁
州沂州德州德州左保定後各衛安東中護衛潮河
龍門寧靖各千戶所山西司帶管晉代濡懷仁壽

成五府翰林院欽天監上林苑監南北二城兵馬司
混堂司甜食房在京旗手金吾右驍騎右龍虎大寧
中義勇前義勇後英武八衛及直隸鎮江府徐州瀋
陽中屯各衛瀋陽中護衛倒馬關平定各千戶所
河南司帶管周唐趙鄭徽伊汝七府禮部太常寺光
祿寺鴻臚寺詹事府國子監禮科中書舍人神樂觀
儀牲所兵仗局靈臺鐘鼓等司東城兵馬司教坊司
在京羽林左府軍右武德留守後神武左彭城六衛
及兩淮鹽運司直隸淮安揚州二府淮安大河邳州
揚州高郵儀真宿州武平歸德寧山神武右各衛海
州鹽城通州汝寧各千戶所陝西司帶管秦韓慶
肅四府後軍都督府大理寺行人司尚衣監針工局
西城兵馬司在京府軍後騰驤右豹韜鷹揚興武義
勇右康陵昭陵龍虎左橫海江陰十一衛及河東鹽
運司陝西行太僕寺甘肅行太僕寺直隸太平府建
陽保定左保定右保定中保定前各衛平涼中護衛

四川司帶管蜀府工部工科巾帽織染二局僧道
錄司在京府軍金吾左濟川武驤右大寧前蔚州左
永清左廣武八衛及直隸松江大名二府金山懷安
懷來各衛神木千戶所廣東司帶管應天府在京
錦衣府軍左虎賁左濟陽留守左水軍左飛熊七衛
及直隸延慶州懷來千戶所廣西司帶管靖江府
通政司五軍斷事司中城兵馬司寶鈔銀作二局在
京羽林前燕山右燕山前大興左通州武驤左鎮南
富峪八衛及直隸安慶徽州二府安慶新安通州左
通州右延慶延慶左延慶右各衛雲南司帶管順
天府太醫院儀衛惜薪等司承運庫及直隸永平廣
平二府鎮海真定永平山海盧龍東勝左東勝右撫
寧密雲中密雲後大同中屯潼關營州五屯萬全左
萬全右各衛寬河武定蒲州各千戶所貴州司帶
管吏部吏科司菜局及長蘆監運司大寧都司萬全
都司直隸蘇州保定河間真定順德五府蘇州太倉

薊州遵化鎮朔興州五屯忠義中涿鹿河間天津天津左天津右德州宣府左宣府右開平保安蔚州永寧各衛梁城興和廣昌各千戶所凡軍民官吏及宗室勲戚麗於法

者詰其辭察其情偽傳律例而比議其罪之輕重以請詔獄必據爰書不得逢迎上意凡有殊旨別勅詔例榜例非輕請議著為令甲者不得引比凡死刑即決及秋後決並三覆奏兩京十三布政司死罪囚歲獻平之五歲請勅遣官審錄冤滯雪錄重囚會五府九卿科道官共錄之矜疑者戍邊有詞者調所司再

問比律者監候夏月熱審免笞刑減徒流出輕繫遇
歲旱特旨錄囚亦如之凡大祭止刑凡贖罪視罪輕
重斬絞雜犯徒末減者聽收贖詞訴必自下而上有
事重而迫者許擊登聞鼓四方有大獄則受命往鞫
之四方決囚遣司官二人往涖凡斷獄歲疏其名數
以聞曰歲報月上其拘釋存亡之數曰月報獄成移
大理寺覆審必期平允凡提牢月更主事一人脩葺
圜圉嚴固局鑰省其酷濫給其衣糧囚病許家人入

視脫械鎖醫藥之簿錄俘囚配沒官私奴婢咸籍知之官吏有過並紀錄之歲終請湔滌之以名例攝科條以八字括辭議

以准皆各其及即若

以五服參情法以墨涅

識盜賊籍產不入塋墓籍財不入度支宗人不即市官人不入獄悼老疲癯不即訊照磨檢校照刷文卷計錄贓贖司獄率獄吏典囚徒

洪武元年置刑部六年增尚書侍郎各一人設總部比部都官部司門部部設郎中員外郎各二人惟都

官各一人總部比部主事各六人都官司門主事各
四人八年以部主事浩繁增設四科科設尚書侍郎
郎中各一人員外郎二人主事五人十三年設尚書
侍郎各一人仍分四屬部部設郎中員外郎各一人
總部比部主事各四人都官司門主事各二人尋增
侍郎一人

始分左
右侍郎

二十二年改總部為憲部二十三

年分四部為河南北平山東山西陝西浙江江西湖
廣廣東廣西四川福建十二部

浙江
雲南

各設官如

戶部之制二十九年改為十二清吏司永樂元年以
北平為北京十九年革北京司增置雲南貴州交趾
三司宣德十年革交趾司遂為十三清吏司

南京刑部尚書一人右侍郎一人

所屬十三司郎中十三人員外郎五人

惟浙江江西河南陝西廣

東五省設

主事十四人

廣東司二人

分掌南京諸司及公侯伯

五府京衛所刑名之事又司務照磨各一人司獄二

人

工部

宋工部官有尚書掌百工水土之政令侍郎為之貳郎中員外郎參掌之

凡官吏兵民緣本曹事有功賞罪罰則審實以上尚書省大祭祀則尚書薦俎與徹若諸監鼓鑄錢寶按年額而課其數因其登耗以詔賞罰屯田凡有司修葺種植之事以賞罰詔其長貳而行之虞部掌辨地產而為之厲禁計所入登耗以詔賞罰水部掌以時

約束而計度其歲用之物修治不如法者罰規畫措
置為民利者賞之又所隸有軍器所文思院

餘詳馬
端臨考

遼宣徽視工部

臣等謹按百官志宣徽北南二院掌御前祇應之
事詳宣徽院門

南面工部官有尚書侍郎

所屬有郎中員外郎

又中京有文思院院有使

臣等謹按百官志文思院使不詳所掌今以宋明二史考之屬工部故附載於此

金工部掌修造營建法式諸作工匠屯田山林川澤之禁江河隄岸道路橋梁之事有尚書侍郎各一人

所屬郎中一人員外郎一人

貞祐五年兼覆實司主官天德三年增二人

事二人 覆實司勾管一人隸戶工部掌覆實營造

材物工匠價直等事

大安元年隸三司工部罷同管勾貞祐五年併罷之以工部主

事兼興定四年復設從省擬不令戶工部舉

修內司

大定七年設有副使掌

宮中營造事

兵匠一千六十五人兵夫二千
千人仍命少府監長官提控

直長二人

部役官四人掌監督工役受給官二人掌支納諸物

都城所有提舉副提舉掌修完廟社及城隍門鑰百

司公解係官舍屋并栽植樹木等事左右廂官各二

人掌監督工役受給官二人掌支納諸物及埏埴等

事祇應司提點有令丞掌給宮中諸色工作又有

直長收支庫都監同監

泰和元年置

甄官署令丞直長

掌劊石及埏埴之事

又上林署

詳上林署門

又有右

三部檢法司司正二人檢法二十二人

興定二年
額外設檢

法及掌法
四年罷掌同左三部

元工部掌天下營造百工之政令尚書三人侍郎二人
凡城池之修濬土木之繕葺材物之給受工匠之程
式銓注局院司匠之官悉以任之

所屬郎中員外郎各二人首領官主事五人又司程
官四人右三部照磨一人至元元年始分立工部尚
書四人侍郎三人郎中四人員外郎五人三年復合

為右三部七年仍自為工部尚書二人侍郎仍三人
郎中三人員外郎如舊二十三年尚書等官定以二
人為額二十四年以曹務繁冗增尚書二人二十八
年省尚書一人

其屬有左右架閣庫掌六部文卷簿籍架閣之事管
勾二人

中統元年左右部各置二十三年併為左右部架閣庫

又諸色人匠

總管府掌百工之技藝有達嚕噶齊總管各一人同
知副總管各二人經歷知事提控案牘各一人

世祖至元

十二年始置總管同知副總管各一人十六年置達魯噶齊一人增同知副總管各一人二十八年省同

知一人三十年省副總其屬十有一梵像提舉司董

管一人後定置如上繪畫佛像及土

木刻削之工提舉同提舉副提舉吏目各一人出蠟局提舉司掌出蠟鑄造之工官與梵像提舉司同

鑄瀉等銅局掌鑄瀉之工大使副使各一人銀局掌金銀之工大使直長各一人鑄鐵局掌鑄鐵

之工大使一人瑪瑙玉局掌琢磨之工直長一人石局董攻石之工大使管勾各一人木局董攻

木之工大使直長各一人油漆局董髹漆之工副使一人諸物庫掌出納諸物之事提領副提領各

一人管領隨路人匠都提領所掌工匠諸司局詞訟之事提領大使各一人俱受省檄諸司局人匠總管府領兩都金銀器盒及符牌等一十四局

事達嚕噶齊總管副達嚕噶齊同知副總管各一人

經歷知事提控案牘各一人

至元十四年置二十四年以八局改隸工部及

金玉府止領五局
一庫掌糧毯等事

其屬六

收支庫掌出納之物大使一人 大都糧局大使副

使各一人

大都染局大使一人 隆興糧局大使副使各一人

上都糧局大使剪毛

花毯蠟布局大使副使各一人

諸路雜造總管府達嚕噶齊總管

同知副總管各一人知事提控案牘各一人

至元元年改提

領所為提舉司十四年又改工部尚書行諸路雜造局總管府

其屬二

簾網局收支庫各有大使

副使一人

齊達勒局總管府管領諸色人匠造作等事

達魯噶齊總管同知知事提控案牘各一人其屬二

諸司局提領一人
祠副官二人
收支庫

大都人

匠總管府達魯噶齊總管同知各一人經歷提控案

牘各一人其屬四

綉局掌綉造諸王百官段匹大使
副使各一人
紋錦總院掌織諸

王百官段匹官同上
涿州羅局掌織造紗羅段匹
提領大使各一人
尚方庫掌出納絲金顏料等物

提領大使副
使各一人

隨路諸色民匠都總管府掌仁宗潛

邸諸色人匠達魯噶齊總管同知副總管各一人經

歷知事提控案牘照磨各一人

延祐六年撥隸崇祥
院後又屬將作院順

帝至元三年
歸隸工部

其屬五

織染人匠提舉司達魯噶齊提舉同提舉副提舉吏目各一人

雜造人匠提舉司官同上

大都等處織染提舉司管何南達王位

大都諸色人匠提舉司官同上

下人匠官同上

收支諸物庫提領大使副使各一人

提舉右八作司掌出納內府漆器紅氈稍隻等并在

都局院造作鑄鐵銅錡石東南簡鐵兩都支持皮

毛雜色羊毛生熟斜皮馬牛等皮駱尾雜行薩哩圖

等物提舉二人同提舉副提舉各一人

中統三年始置二十九年

以出納委積公為左右兩司

提舉左八作司掌出納內府羶貨

柳器等物置官同上 提舉都城所掌修繕都城內

外倉庫等事提舉同提舉副提舉各二人吏目照磨

各一人其屬一

左右廂官四人

受給庫掌京城內外營造

等事提領大使副使各一人 符牌局掌造虎符大

使副使直長各一人 旋匠提舉司提舉副提舉各

一人 薩達克齊提舉司提舉副提舉提控案牘各

一人

至元二十四年以札瑪里鼎率人匠成造與絲紬同局造作遂改組練人匠提舉司為今名

已實伯里局掌織造御用領袖納奇實等段大使

副使各一人又局官一人 納奇實毛段二局院長

一人 朔州毛子局大使一人 和坦巴哩局大使

一人 平則門光熙門兩窑場及大都通州兩皮貨

所提領大使副使各一人 晉寧路織染提舉司提

舉照畧案牘各一人其屬 提領所一係官織染人匠局一雲內人匠東西局二

本路人匠局一河中府襄陵翼城潞州隰州澤州雲州等局七每局各設提領副提領一人惟澤州雲州

止設 提領 冀寧真定兩路織染提舉司各提舉同提舉

副提舉照畧案牘各一人其屬二 開除局大使副使照畧案牘各一人

局天使副使各一人

永平路紋錦等局提舉司

南宮中山保定雲州宣德府五處織染提舉司弘州

大名興和路蓐麻林三處人匠提舉司設官並如上

深州雲內州大同恩州大寧路順德路彰德路懷

慶路八處織染局各大使副使照畧案牘一人東

聖州織染局院長局副各一人陽門天城織染局

提領副使照磨案牘各一人中山劉元帥局中山

察魯局深州趙良局各大使副使一人恩州東昌

局提領一人 宣德博囉局提領副使各一人 東
平路曠局直長一人 巡河提領所提領二人 副提
領一人

明工部掌天下百工山澤之政令尚書一人侍郎佐之
左右各一人

所屬營繕虞衡都水屯田四清吏司各郎中一人

後增

設都水司郎中四人 員外郎一人 後增設營繕司員外郎二人 主

事二人 後增設都水司主事五人 營繕司主事三人 虞衡司主事二人 屯田司主事一人 司

務廳司務二人

營繕典經營興作之事凡宮殿陵寢城郭壇場祠廟
倉庫廨宇營房王府邸第之役鳩工會材以時程督
之凡鹵簿儀仗樂器移內府及所司各以其職治之
而以時省其堅潔董其窳濫凡置獄具必如律凡工
匠二等曰輪班三歲一役役不過三月皆復其家曰
住坐月役一旬有稍食工役二等以處罪人輪作者
曰正工曰雜工雜工三日當正工一日皆視役大小

而撥節之凡物料儲侍曰神木廠曰大木廠以蓄材
木曰黑窑廠曰琉璃廠以陶瓦器曰臺基廠以貯薪
葦皆籍其數以供修作之用

虞衡典山澤採捕陶冶之事凡鳥獸之肉皮草骨角
羽毛可以供祭祀賓客膳羞之需禮器軍實之用歲
下諸司採捕水課禽十八獸十二陸課獸十八禽十
二皆以其時冬春之交罝罟不施川澤春夏之交毒
藥不施原野苗盛禁蹂躪穀登禁焚燎若害獸聽為

陷穽獲之賞有差凡諸陵山麓不得入斧斤開窑冶
置墳墓凡帝王聖賢忠義名山嶽鎮陵墓祠廟有功
德於民者禁樵牧凡山場園林之利聽民取而薄征
之凡軍裝兵械下所司造同兵部省之必程其堅緻
凡陶甄之事有歲供有甃供有停減籍其數會其入
毋輕毀以廢民凡諸冶飭其材審其模範付有司錢
必準銖兩進於內府而頒之牌符火器鑄於內府禁
其以法式泄於外凡顏料非其土產不以征

都水典川澤陂池橋道舟車織造券契量衡之事水利曰轉漕曰灌田歲儲其金石竹木苓埽以時修其閘壩洪淺堰圩隄防謹蓄洩以備旱潦無使壞田廬墳隧禾稼舟楫磴礪者不得與灌田爭利灌田者不得與轉漕爭利凡諸水要會遣京朝官專理以督有司役民必以農隙不能至農隙則僝功成之凡道路津梁時其葺治有巡幸及大喪大禮則修除而較比之凡舟車之制曰黃船以供御用曰遮洋船以轉漕

於海曰淺船以轉漕於河曰馬船曰風快船以供送
官物曰備倭船曰戰船以禦寇賊曰大車曰獨轅車
曰戰車皆會其財用酌其多寡久近勞逸而均劑之
凡織造冕服誥勅制帛祭服淨衣諸幣布移內府南
京浙江諸處周知其數而慎節之凡公侯伯鐵券差
其高廣凡祭器冊寶乘輿符牌雜器皆會則於內府
凡度量權衡謹其校勘而頒之懸式於市而罪其不
中度者

屯田典屯種抽分薪炭夫役墳塋之事凡軍馬守鎮之處其有轉運不給則設屯以益軍儲其規辦營造木植城磚軍營官屋及戰衣器械畊牛農具之屬凡抽分征諸商視其財物各有差凡薪炭南取洲汀北取山麓或徵諸民有本折色酌其多寡而撙節之夫役伐薪轉薪皆僱役凡墳塋及堂碑碣獸之制第宗室勲戚文武官之等而定其差

洪武初置工部及官屬以將作司隸焉六年增尚書

侍郎各一人設總部虞部水部并屯田為四屬部總

部設郎中員外郎各二人餘各一人總部主事八人

餘各四人又置營造提舉司八年增立四科科設尚

書侍郎郎中各一人員外郎二人主事五人照磨二

人十年罷將作司十三年定官制設尚書侍郎各一

人四屬部

以屯田部為屯部

各郎中員外郎一人主事二人

十五年增侍郎一人二十二年改總部為營部二十

五年置營繕所二十九年又改四屬部為營繕虞衡

都水屯田四清吏司嘉靖後添設尚書一人專督大工

春明夢餘錄曰周禮冬官亡漢時補以考工記夫冬官之職既不可考豈待考工記補之而後為冬官之全乎太宰事典以富邦國以任百官以生萬民小宰事職以富邦國以養萬民以生萬物則事官之意在周禮可覩也周官亦曰司空掌邦土居四民時地利則司空之意在周官可推也况冬之

為言終也萬物成終必歸其根亶空土而已命之
曰司空豈無意義而云然哉惟藏而固之富而生
之此所以為冬之象也若夫考工記之事虞書所
謂共工也共工誠冬官之事但其一屬耳故取以
入冬官則可用之以補冬官則不可按工之官缺
則民用不周虞之官缺則物生不遂故舜視百工
萬物皆予一體故皆曰予而虞工列九官自古重
之矣周禮屬虞衡於夏官今則并山澤虞衡統屬

之於工部益垂猶且讓之任是職者可輕視之哉

所轄營繕所所正一人所副所丞各二人 文思院

大使一人副使二人 皮作局大使一人副使二人

後革
副使

鞍轡局大使副使各一人

隆慶元年
俱革

寶源局

大使副使各一人

嘉靖間
革副使

顏料局大使一人

後革

軍器局大使一人副使二人

後革副
使一人

節慎庫大使

一人

嘉靖八年
設

織染所雜造局大使副使各一人

廣積通積盧溝橋通州白河各抽分竹木局大使各

一人副使各一人 大通關提舉司提舉一人

萬曆二年

革副提舉二人典史一人

後副提舉典史俱革

柴炭局大使

副使各一人

提督易州山廠一人掌督御用柴炭之事

明初於沿江蘆洲并龍江瓦屑二場取用柴炭永樂間遷都於北則於白羊口黃花鎮紅螺山等處採辦宣德四年始設易州山廠專官總理景泰間移於平山又移於滿城相繼以本部尚書或侍郎督廠事天

順元年仍移於易州嘉靖八年罷革改設主事管理
南京工部尚書一人右侍郎一人

所屬營繕虞衡都水屯田四司郎中四人員外郎二

人營繕司一人都水司一人嘉靖三十七年革都水司員外主事八人營繕司三人屯田司

一人餘各二人

所轄營繕所所正所副所丞各一人 龍江清江二

提舉司各提舉副提舉一人後革副提舉文思院寶源

局軍器局織染所龍江抽分竹木局瓦屑壩抽分竹

木局各大使一人

嘉靖三十七年
革文思院大使



欽定續文獻通考卷五十三